

SCRIPT OF EVENING GOJRI NEWS BULLETIN 8MAR 2025 1700HRS

اوننگ گوجری نیوز بولٹین 8 مارچ 2025

یوہ آکاشوانی جموں بے عبدالرحمان تے نصرت تیں خبر سَنو۔

HEADLINES

۱. لیفٹیننٹ گورنر منوج سنہا نے کہیو ہے جے باری شکتی غو انسانیت غا مستقبل غی تشکیل مانہہ گہرو اثر ہے۔
۲. دیہی ترقی غا وزیر جاوید احمد دار نے کہیو ہے جے پی ایم اے وائی جی غی آواس پلس سکیم گے تحت ۴ سو ۸۹ مستحقین نانہہ ۵ مرلہ غا حساب سنگ زمین رہانشی مقاصد واسطے آلات کی گئی ہے تے مزید ۴ سو ۲۴ معاملات وی زیر غور ہیں۔
۳. صحت تے طبی تعلیم غی وزیر محترمہ سکینہ اتو نے کہی وے جے جموں کشمیر مانہہ ۹ چھوٹا قصبیاں غا قیام بارے ۱ ہزار ۲ سو ۸۹ اشاریہ ۸۲ کنال امین غی نشانہی کی گئی ہے۔
۴. صحت تے طبی تعلیم غی وزیر محترمہ سکینہ اتو نے کہیو ہے جے حکومت ۴ ہزار ۰۰۲ تیں متہ صحت اداراں نانہہ بکھ بکھ سطح ور مزید بہتر بناوے غی۔
۵. پورا جموں خطہ مانہہ اج عالمی یوم خواتین مانیو جارہیو ہے لیفٹیننٹ گورنر منوج سنہا تے وزیر اعلیٰ عمر عبداللہ نے اس موقع ور مبارک باد دتی ہیں۔

IWD LG

مرکزی زیر انتظام علاقہ جموں کشمیر مانہہ اج عالمی یوم خواتین مانیو جارہی وے لیفٹیننٹ گورنر منوج سنہا نے سشکت ناری سمان تقریب مانہہ شرکت جس غو اہتمام بدھا فن ونقش ونگار غی طرفوں پدما شری پدما سچدیو گورنمنٹ زنانہ کالج گاندھی نگر گا اشتراق سنگ کہیو گیو اس موقع ور اپنا خطاب مانہہ لیفٹیننٹ گورنر نے نادی شکتی نانہہ عالمی یوم خواتین گا موقع ور دلی مبارک باد پیش کی۔ تے کہیو جے ناری شکتی غو انسانیت غا مستقبل غی تشکیل مانہہ گہرو اثر ہے وے پیدائش تیں ہی ایک کاص تحفو لے غے آویں تے اس نانہہ تخلیقی صلاحیتاں گو پروان چڑھان تے سماجی تبدیلی نانہہ آگے بدھان غی قوت دے۔

CM BISHNAH

وزیر اعلیٰ عمر عبداللہ نے اج کہیو کہ ارنیا تے بشناہ غی خوبسورتی بدھان غو کم ضلع کپیکس غے تحت کیو جے غو تے صفائی غو کم پہلاں ۵ بلدیاتی انتظامیہ غے زیرے بو رہیو ہے۔ وزیر اعلیٰ نے یاه گل جموں کشمیر قانون ساز اسمبلی مانہہ ممبر راجیو کمار بھاگت غا اضافی سوال گا جواب مانہہ کہی۔ اس تیں پہلاں اپنا اہم سوال مانہہ راجیو کمار بھاگت نے ارنیا تے بشناہ غی خوبسورتی واسطے ایک خاص پیکج غی مانگ کی تھی۔

DAR AWAS PLUS

دیہی ترقیات غا وزیر جاوید احمد دار نے اج کہیو ہے جے پی ایم اے وائی جی غی آواس پلس سکیم غے تحت ۴ سو ۸۹ مستحقین نانہہ ۵ مرلہ غا حساب سنگ زمین رہانشی مقاصد واسطے آلات کی گئی ہیں۔ جدکہ ۴ سو ۲۴ معاملات اجوں جموں کشمیر مانہہ محکمہ مال غا عہدے داراں غے زیر غور ہیں وزیر موصوف قانون ساز اسمبلی مانہہ اہم وائی تاریگامی غی

طرفوں چایا گیا ایک سوال غو جواب دے رہیا تھا۔ انہاں نے مزید کہیو جے زمین غا موصول بھالی تے باز آبادکاری غا حق وشفافیت ایکٹ ۲۰۱۳ جموں کشمیر مانہ نافذ العمل بے تے اس قانون غی سکیشن ۷۲ تے سکیشن ۰۳ غی سب سیکش ۲ غے تحت معاوضاں گو تعین کیو جے۔

ITOO TOWNSHIP

وزیر صحت و طبی تعلیم محترمہ سکینہ اتو نے اج کہیو بے جے جموں کشمیر مانہ ۹ چھوٹا قصبیاں گا قیام بارے ۱ ہزار ۲ سو ۸۹ عشاریہ ۸۲ کنال زمین مختص کی گئی بے وزیر موصوفہ اج وزیر اعلیٰ عمر عبداللہ غی طرفوں قانون ساز اسمبلی مانہ وحید الرحمان پرے غی طرفوں پوچھیا گیا اک سوال گ وجواب دے رہی تھیں انہاں نے کہیو جے ان چھوٹی بستیاں غو قیام غیر منصوبہ بند شہری تو وسیع نانہ روکن تے جموں کشمیر غی عوام غی رہائشی ضروریات نانہ پوراں کرن واسطے کیو جاریو بے تفصیلات دستاں واں وزیر موصوفہ نے ایوان نانہ آگاہ کیو جے جن مقامات ور ۹ رہائش کالونیاں قائم کی جارہی ہیں۔ وے بین پدگام پورہ پلوامہ قاتا پورہ بانڈی پورہ بھلوال جموں چنگراں کٹھوعہ چترنامہ سرینگر باکودہ گاندریل چک بھلوال جموں چوادی جموں تے کنونیاں پونچھ وزیر موصوفہ نے مزید کہیو جے سرینگر ترقیاتی اتھارٹی تے جموں ترقیاتی اتھارٹی غی طرفوں ریاستی زمین غی نشاندہی کی گئی بے جہیڑی باترتیب قومی شاہراہ بانی پاس بیمنہ سرینگر مانہ راکھی گنڈ اکشا غا مقام ور تے سدھڑہ جموں مانہ واقع بین تانجے عوام غی رہائشی ضروریات پوری کی جاسکیں۔

ITOO HEALTH INSTITUTION

صحت طبی تعلیم غی وزیر سکینہ اتو نے اج کہی وکہ حکومت موجودہ صحت غی سہولیات نانہ بیتر بنان ور کامکر رہی بے۔ اس وقت جموں کشمیر مانہ مختلف سطحاں ور ۴ ہزار ۰۰۲ تیں متہ صحت غا ادارہ موجود ہیں انہاں نے مزید دسیو کہ جموں کشمیر مانہ ۵ سو ۴۵ نوا قسم غا پرائمری طبی مرکز وی قائم ہیں۔ وزیر موصوفہ نے شوکت حسین گئی غا سوال غ وجواب دیتا واں کہیو کہ وزارت صحت تے خاندانی بہبود بھارتی حکومت غی رپوٹ غے مطابق جموں کشمیر مانہ صحت غا ادارہ ملک غا دوجا علاقاں غے مقابلے زیادہ ہیں۔ انہاں نے مزید کہیو کہ حکومت صحت غی سہولیات نانہ بہتر بنان واسطے کام کر رہی بے۔ تے یوہ سب انڈین پبلک ہلکتھ سینڈرڈ گا اصولاں غے مطابق وے گو۔

ITOO RAJOURI HOSPITAL

صحت طبی تعلیم غی وزیر سکینہ اتو نے کہیو کہ ضلع اسپتال راجوری نانہ کس ء مناسب جگہ مُنتقل کیو جے غو تانجے عوام نانہ بہتر طبی سہولیات مل سکیں۔ یا گل انہاں نے جاوید اقبال چودھری غا سوال گا جواب مانہ کہی۔ وزیر نے وضاحت کی کہ موجودہ اسپتال غی جگہ محدود بے تے بدھتی وی مریضاں غی تعداد نانہ سنبھالنے غے قابل نہیں بے۔ اس واسطے اس نانہ کسی وسیع جگہ مُنتقل کرن غو فیصلو کیو گیو بے۔ انہاں نے یقین دوايو کہ حکومت عوام غی بہتر طبی سہولیات تے صحت غا نظام نانہ جدید بنان واسطے سنجیدگی تیں کام کر رہی بے۔

IWD GREETINGS

اج دنیا پھر ماہہ عالمی یوم خواتین مانیو جارہیو ہے۔ یوہ تہاڑو خواتین غی کامیابیاں ناہہ سربان واسطے مخصوص ہے۔ ۵۲۰۲ غ و عالمی یوم خواتین غو موضوع ہے تمام خواتین واسطے حقوق برابری تے خود مختاری۔ اس غو مقصد تمام خواتین ناہہ برابر غا حقوق طاقت تے مواقع دینا ہیں جت کوئی پچھے نہ وے۔ اس موقع ور صدر جمہوریہ محترمہ دروپی مرمو وزیر اعظم نریندر مودی تے لیفٹیننٹ گورنر منوج سنہا نے مبارک باد دتی۔

IWD RES COMM

جموں کشمیر ریزڈینٹ کمیشن نے ہیلو جے اینڈ کے اقدام غے تحت عالمی یوم خواتین ناہہ جوش و خروش نال مانیو۔ اس تقریب غو موضوع تیزی تیں اقدامات تھو جس غو مقصد صنفی برابری ناہہ فروغ تے کواتین غا حقوق غی مضبوطی ور زور دینو تھو۔ اس موقع ور سیزیڈنٹ کمیشن غی پرنسپل ڈاکٹر رشمی سنگھ نے دفتر تے ڈائریکٹوریٹ غی خواتین ملازماں غی خدمات تے حوصلہ ناہہ سہرايو۔ کئی خواتین نے ورچول طور ور تقریب ماہہ شرکت کی۔ ڈاکٹر رشمی سنگھ نے حکومت غی جانب تیں خواتین غی ترقی تے ہر میدان ماہہ اگے بدھن غا عزم ناہہ دوہرایو۔

SAHITYA ACADEMIC AWARD

عالمی یوم خواتین غا موقع ور پروفیسر ارچنا کیسر جہیڑی گریٹر کیلاش جموں تیں ہیں انہاں ناہہ سائیتے اکیڈمی اعزاز ۲۰۲۲ تیں نوازیو گیو۔ انہاں ناہہ یوہ اعزاز بیشم ساہنی غی مشہور ہندی ناول تامس غ ڈوگری ترجمہ ور دتو گیو۔ پروفیسر کیسر ایک نامور مصنفہ تے ترجمہ کار ہیں۔ جنہاں نے اوڈنی، پنجابی تے ہندی غی کئی اہم کتاباں غو ڈوگری ماہہ ترجمو کیو ہے۔ ان غی ایک بڑی خدمات ماہہ بھارتی آئین غو ڈوگری زبان ماہہ ترجمو شامل ہے۔ جہیڑی ڈوگری ادب غا تحفظ تے اس غی ثقافتی اہمیت غا فروغ ماہہ ایک سنگ میل ثابت ہوو۔

WOMEN ACHIEVERS UDH

ضلع ادھمپور غی خواتین ماہہ نمایاں تبدیلی آری ہیں۔ وے مسلسل با اختیار تے خودکفیل بنتی جارہی ہیں۔ ادھمپور غی خواتین بھارتی حکومت غی مختلف سکیمان تیں فائدو چا غے اپنی صلاحیتاں ناہہ بدھا رہی ہیں۔ تے خودمختاری حاصل کر رہی ہیں۔ جیوتی دیوی جہیڑی ادھمپور غا بٹل بالیاں گراں غی رہائشی ہے مقامی خواتین واسطے ایک کامیابی غی مچال بن چکی ہیں۔ انہاں نے امید سکیم اپنی مدد آپ گروپ غے تحت نہ صرف ایک کامیاب کاروبار قائم کیو ہے۔ بلکہ اپنی برادری غی ۲۱ دیگر خواتین واسطے روزگار غا موقع وی پیدا کیا ہیں۔ اپنی کامیابی غی کہانی سانجھ کرتا وان جیوتی دیوی نے اس طرح کہیو۔ ادھمپور غی ڈپٹی کمشنر سلونی رائے نے خواتین غی شاندار ترقی ناہہ آجاگر کرتا وان اس طرح کہیو۔

GIRL CRICKETERS POONCH

ضلع پونچھ ماہہ ایک شاندار کامیابی ماہہ ۳ نوجوان کڑیاں گرکیت کور، ویشاکھا کیسر تے اسما چودھری نے اپنی محنت تے صلاحیت غا دم ور جموں کشمیر کرکٹ ایسوسی ایشن غی طرفوں بی سی سی سی آئی قومی کرکٹ ٹورنامینٹ ماہہ اپنی جدہ بنالی۔ انگی یاہ کامیابی صرف ضلع پونچھ غی کڑیاں واسطے نہیں ہے بلکہ پورا علاقہ غی ان تمام کڑیاں واسطے ایک امید غی کرن ہے جہیڑی معاشی تے سماجی رکاوٹاں غے باوجود اپنو خواب پورو کرنو چاوے گرکیرت کور نے اس سلسلہ ماہہ گل کرتا وان اس طرح کہیو۔